

Raport për rezultatet e konsultimeve publike për:

Projektvendimin “Për miratimin e procedurave standarde të veprimit për mbrojtjen e viktimave dhe viktimave të mundshme të trafikimit”

1. Titulli i projektaktit

“Për miratimin e procedurave standarde të veprimit për mbrojtjen e viktimave dhe viktimave të mundshme të trafikimit”

2. Kohëzgjatja e konsultimeve

Specifikoni kohëzgjatjen e përgjithshme të konsultimeve publike sa i përket ditëve të punës, përfshirë datën e hapjes dhe mbylljes së konsultimeve publike; nëse kohëzgjatja ishte më e shkurtër se 20 ditë pune e paraparë me ligj, jepni arsye për shkurtimin e kohëzgjatjes.

Projektvendimi u hartua nga Grupi Ndërinstitucional i Punës ngritur me Urdhrin nr. 243, datë 24.12.2024 “Për ngritjen e Grupit Ndërinstitucional të Punës për rishikimin e vendimit të Këshillit të Ministrave nr. 499, datë 29.8.2018 “Për miratimin e Procedurave Standarde të Veprimit për mbrojtjen e viktimave dhe viktimave të mundshme të trafikimit”.

Për hartimin e këtij dokumenti janë organizuar 3 (tre) takime të GNP-së, konkretisht: në datë 8 prill, 23 prill dhe 19 - 20 maj 2025.

Gjatë këtyre takimeve, anëtarët e GNP-së dhanë mendime dhe sugjerime mbi projektvendimin, të cilat janë reflektuar në dokument. Pas takimit dy ditor (19 - 20 maj), drafti iu dërgua për komente finale grupit të punës dhe më pas u përcoll pranë Drejtorisë së Programimit, Standardizimit dhe Harmonizimit të Kuadrit Rregullator për vlerësim dhe dërgimin e praktikës për mendim pranë ministrive të linjës.

Gjatë takimit të Grupit Ndërinstitucional të Punës të Mekanizmit Kombëtar të Referimit, zhvilluar më datë 2 korrik 2025, u diskutua mbi draft dokumentin dhe anëtarët përcollën komentet e tyre. Si më poshtë, renditet:

- Organizata “World Vision”;
- Qendra Kombëtare e Pritjes për Viktimat e Trafikimit;
- Nisma për Ndryshim Shoqëror “ARSIS”;
- Qendra Psiko social “VATRA”;
- Organizata “Të ndryshëm dhe të barabartë”.

Gjithashtu, projektvendimi u publikua në RENJK, për periudhën 28 korrik 2025 deri më 25 gusht 2025, në respektim të afateve ligjore. Projekt akti pati 336 shikime në Regjistrin Elektronik dhe 0 komente.

3. Metoda e konsultimit

Listoni të gjitha metodat e konsultimit të përdorura, të tilla si konsultimet elektronike (Regjistri Elektronik, posta elektronike, faqet e internetit, etj.), Takimet publike, seancat e organeve këshilluese..., dhe siguroni informacione për afatin kohor, kohëzgjatjen dhe afatet e tyre. Shpjegoni se si u shpërnda informacioni mbi konsultimet e hapura, si u ftuan palët e interesuara të kontribuojnë. Përfshini gjithashtu aktivitete nga konsultimet paraprake nëse janë organizuar të tilla).

Metodat e konsultimit të përdorura për projektvendimin “Për miratimin e procedurave standarde të veprimit për mbrojtjen e viktimave dhe viktimave të mundshme të trafikimit”, janë tre:

1. Konsultimi elektronik, përmes Regjistrimit Elektronik për Njoftimet dhe Konsultimet Publike.
2. Takime me grupin e punës në zbatim të urdhrin nr. 243, datë 24.12.2024 “Për ngritjen e Grupit Ndërinstitucional të Punës për rishikimin e Vendimit të Këshillit të Ministrave nr. 499, datë 29.08.2018 “Për miratimin e Procedurave Standarde të Veprimit për mbrojtjen e viktimave dhe viktimave të mundshme të trafikimit”.
3. Komunikime elektronike (nëpërmjet postës zyrtare elektronike).

4. Palët e interesit të përfshira

Listoni të gjithë palët e interesuara, qoftë organizata apo individë, të cilët kanë dhënë komente/kontribut në konsultimet publike përmes metodave të ndryshme të konsultimit, gjatë gjithë procesit të hartimit. Përmendni gjithashtu numrin dhe strukturën e palëve të interesuara që morën pjesë në takime publike ose seanca të organeve këshilluese. Specifikoni palët e interesuara që morën pjesë në grupin e punës për hartimin e aktit.

Palët e interesuara të cilët kanë dhënë komente/kontribut në konsultimet publike, gjatë procesit të hartimit, janë:

- Drejtoria e Politikave për Antitrafikun dhe Migracionin;
- Drejtoria e Përgjithshme e Zhvillimit për Migracionin dhe Azilin;
- Drejtoria e Programimit, Standardizimit dhe Harmonizimit të Kuadrit Rregullator;
- Organizata “World Vision”;
- Qendra Kombëtare e Pritjes për Viktimat e Trafikimit;
- Nisma për Ndryshim Shoqëror “ARSIS”;
- Qendra Psiko social “VATRA”;
- Organizata “Të ndryshëm dhe të barabartë”;

- Koordinator për konsultimin në MB, për mbledhjen e komenteve nëpërmjet RENJK.

5. Pasqyra e komenteve të pranuar me arsyetimin e komenteve të pranuar/refuzuara

Gruponi komentet/ propozimet e pranuar sipas çështjes që ato ngritën;

Gruponi komente të ngjashme së bashku dhe renditni palët e interesuara që i ngritën ato;

Shpjegoni cili ishte vendimi i marrë dhe sqaroni shkurtimisht arsyet për të.

<i>Çështja e adresuar (psh. përkufizimi i ri i..., kushtet për regjistrimin e..., rregullimi i..., etj.)</i>	<i>Komenti (grumbulloni dhe përmbledhni komente identike/të ngjashme nga palët e ndryshme të interesuara së bashku)</i>	<i>Palët e interesuara (renditni të gjithë ata që adresuan çështjen në mënyrë të ngjashme)</i>	<i>Vendimi (pranuar/ pranuar pjesërisht /i refuzuar)</i>	<i>Justifikimi</i>
Përcaktimi i qartë i numrit të indikatorëve që duhet të përmbushen për të dhënë statusin e viktimës së mundshme të trafikimit	Numri i indikatorëve duhet të jetë garanci për një proces të drejtë dhe të qartë si dhe për të shmangur të gjithë problematikat e hasura deri me sot. Kjo specifike mund të përfshihet tek veprimet për intervistën formale.	Qendra Kombëtare e Pritjes për Viktimat e Trafikimit	Refuzuar	Në dokument është përcaktuar në përkufizim se: “Viktimë e mundshme trafikimi” (VMT), është personi, për të cilin/të cilën, agjencitë/institucionet përgjegjëse për identifikim fillestar, bazuar në treguesit/indikatorët/dritën e rrethanave të veçanta të rasteve, në të cilën, të paktën tre ose më shumë elemente përbëjnë

				dyshimin e arsyeshëm se personi mund të jetë trafikuar. Pra, është përcaktuar se duhet të evidentohet të paktën tre indikatorë për të dhënë statusin e viktimës së mundshme të trafikimit.
Rivlerësimi periodik i statusit të VT/VMT	Në përputhje me praktikat që aplikohen për viktimat e dhunës në familje, pasi statusi i viktimës së trafikimit nuk mund të zgjasë në mënyrë të pacaktuar. Kjo nuk është në interesin e vetë viktimës dhe bie ndesh me parimin që synon të parandalojë riviktimizimin dhe stigmatizimin.	Qendra Kombëtare e Pritjes për Viktimat e Trafikimit	Pranuar	U shtuan detyrat e Komisionit të Posaçëm Ndërinstitucional
Në rastet e trafikimit të "fëmijëve për lypje ose krime të vogla"	Duhet të parashikohet qartë mosha si faktor përcaktues. Në këtë pikë duhet specifikuar përgjegjësia penale. Diferencimi është i domosdoshëm për të siguruar mbrojtje të përshtatur për çdo grupmoshë.	Qendra Kombëtare e Pritjes për Viktimat e Trafikimit	Refuzuar	Sqarojmë se, vetë parashikimi e përcakton se i referohet fëmijëve, pra personave të mitur.
Për pikën "Braktisja e fëmijës" si arsye	Duhet të sqarohet se qendrat që ofrojnë mbështetje për	Qendra Kombëtare e Pritjes për	Refuzuar	Lidhur me këtë sugjerim, sqarojmë se,

për pranimin në mbrojtje	VT/VMT nuk trajtojnë raste që i përkasin kategorisë së fëmijëve pa kujdes prindëror/ligjor, kjo kërkon ndarje të qartë kompetencash ndërmjet institucioneve.	Viktimat e Trafikimit		listimi i arsyeve të pranimit, është bërë me qëllim evidentimin e indikatorëve.
Duhet të përfshihet gjithashtu në dokument, rishikimi i statusit të një VT/VMT që është njëkohësisht me status VT/VMT dhe subjekt i hetimit penal, apo me masë sigurie		Qendra Kombëtare e Pritjes për Viktimat e Trafikimit	Refuzuar	Në çdo rast kur personi ka marrë statusin e viktimës (së mundshme) të trafikimit, dhe ndaj tij/saj ka nisur një hetim penal do zbatohet prezumimi i pafajësisë deri në momentin që merr formë të prerë vendimi gjyqësor. Nëse deklarohet fajtor/e do të zbatohet masa e sigurisë vendosur me vendim gjyqësor.
Disa Indikatorë aktualë shpesh janë të paqartë dhe të përgjithshëm	Për shembull, fraza si “reklama që ofrojnë shërbime të grave të një etnie” ose “prania e rrobave të vogla për fëmijë”, "lëvizja nga një bordell në tjetrin", "hanë të ndarë nga anëtarët e familjes" duhet të shoqërohen me kontekst dhe	Qendra Kombëtare e Pritjes për Viktimat e Trafikimit	Refuzuar	Në hartimin e këtij dokumenti fokusi ka qenë evidentimi shterues i indikatorëve/tre guesve parësorë/dytësorë (evident/tërthorazi tipikisht të

	udhëzime më specifike për interpretim, në mënyrë që të shmanget keqkuptimi ose nënvlerësimi i rasteve reale.			dukshëm), në mënyrë që të ofrohet mbrojtje gjithëpërfshirëse për çdo rast të mundshëm trafikimi. Gjithashtu, pas miratimit të këtij dokumenti do të hartohet një udhëzues i detajuar, për të zbatuar në mënyrë sa më të detajuar procedurat.
Përfshirjen e një institucioni të tretë si psh SHSSH, në intervistimin formal të fëmijës, kjo për të evituar problematikat si dhe për të qartësuar procesin.		Qendra Kombëtare e Pritjes për Viktimat e Trafikimit	Refuzuar	Këto procedura janë hartuar nga GNP (ku ka edhe përfaqësues nga Shërbimi Social Shtetëror), të cilët bazuar në aktet ligjore dhe nënligjore e tyre kanë dakordësuar draftin me detyrat ashtu sikurse janë përcaktuar.
Referimi i fëmijës në institucion, duhet të shoqërohet përpos të gjithë dokumenteve të tjerë edhe me një plan riintegrimi afatgjatë nga NJMF-të		Qendra Kombëtare e Pritjes për Viktimat e Trafikimit	Refuzuar	Qeveria Shqiptare, përpos financimit nga Buxheti i Shtetit për zërin “Fonde për Ushqim për VT/VMT”, mundëson pagat e punonjësve

				social të qendrave joshitetërore (përfshirë edhe QKPVT si një entitet shtetëror), të cilët kanë detyrë funksionale edhe hartimin e planeve individuale afatgjata për vt/vmt. NJMF-të, në çdo rast bashkëpunojnë me qendrat për ofrimin e mbështetjes dhe hartimin e planeve të mbrojtjes.
Tek përkufizimi i masës emergjente të mbrojtjes, të shtohet fjala “fëmijë”, duke përcaktuar si referencë ligjin nr. 18/2017.		Nisma për Ndryshim Shoqëror ARSIS	Pranuar	Reflektuar
Të shtohet përkufizimi i menaxherit të rastit për fëmijët, duke përcaktuar se është në çdo rast PMF.		Nisma për Ndryshim Shoqëror ARSIS	Pranuar	Reflektuar
Të shtohet përkufizimi i shërbimit të emergjencës për fëmijë.		Nisma për Ndryshim Shoqëror ARSIS	Refuzuar	Referuar legjislacionin në fuqi (ligji 121/2016 "Për shërbimet e kujdesit

				shoqëror " neni 18-19-20) përcakton qartë rastet të cilat trajtohen me strehimin të përkohshëm, përfshirë edhe qendrat e emergjencës dhe afatet kohore.
Të shtohen/theksohen shërbime psiko-sociale të ofruara nga institucionet përgjegjëse shtetërore dhe jo shtetërore për identifikimin fillestar.		Nisma për Ndryshim Shoqëror ARSIS	Pranuar	Reflektuar
Treguesi i trafikimit për fëmijë “Udhëtojnë të pashoqëruar nga të rriturit”, të parashikojë udhëtimet brenda dhe jashtë vendit.		Nisma për Ndryshim Shoqëror ARSIS	Pranuar	Reflektuar. Sqarojmë se treguesi u riformulua si vijon: “Udhëtojnë brenda ose jashtë territorit të Republikës së Shqipërisë, të pashoqëruar nga të rriturit”.
Indikatori “Rastet e adoptimeve të paligjshme”, në faqen 11 të riformulohet si vijon: “Kur fëmija qendron në kujdesin e njerëzve që nuk kanë lidhje gjaku		Nisma për Ndryshim Shoqëror ARSIS	Pranuar	Reflektuar

ose kujdestari të formalizuar”.				
Fjala “grave” Indikatori “Reklama që ofrojnë shërbime të grave të një etnie ose kombësie të veçantë” në faqen 13, të zëvendësohet me fjalën “fëmijëve”.		Nisma për Ndryshim Shoqëror ARSIS	Pranuar	Reflektuar
Në faqen 15, pika 3, sugjeron që në rastet kur përmendet PMF, të specifikohet dhe termi fëmijë		Nisma për Ndryshim Shoqëror ARSIS	Pranuar	Reflektuar
Duhet të parashikohet mundësia e ankimimit të vendimit nga kujdestarët ligjorë në rastet e të miturve		Nisma për Ndryshim Shoqëror ARSIS	Pranuar	Reflektuar
Të specifikohet nëse menaxheri i rastit, si person i tretë që mund të marrë pjesë në intervistën formale, është i ndryshëm nga PMF-ja apo punonjësi i caktuar në shërbimin ku është akomoduar fëmija.		Nisma për Ndryshim Shoqëror ARSIS	Pranuar	Reflektuar. Sqarojmë se, u shtua punonjësi i rastit dhe menaxheri i rastit sipas përkufizimit të shtuar do të jetë PMF-ja.
Lidhur me të drejtën për ankim		Nisma për Ndryshim	Refuzuar	Sqarojmë se, ankimimi mund

sugjeron të parashikohen rastet kur është fëmijë që nuk është njohur si VT/ VMT dhe prindi / kujdestari ligjor / pmf /punonjësi i shërbimit ku është akomoduar fëmija kanë mendim ndryshe dhe dëshirojnë të ankimojnë vendimin e marrë nga grupi i identifikimit.		Shoqëror ARSIS		të depozitohet në çdo rast nga përfaqësuesi/kujdestari ligjor.
Të mbahet në konsideratë fakti që prindi mund të mos ndodhet me fëmijën në shërbimin e emergjencës. Kryesisht komunikimet mbi vendimmarrjen i takon PMF për t'ia komunikuar fëmijës, megjithatë punonjësi i qendrës mund të lehtësojë procesin		Nisma për Ndryshim Shoqëror ARSIS	Pranuar	Reflektuar. U riformulua parashikimi
Referuar rasteve kur fëmija është i huaj, duhet të merret në konsideratë nëse është i shoqëruar me prindërit apo jo	Qendra e emergjencës nuk merr dot statusin e kujdestarit pasi nuk është shërbim rezidencial dhe stafi i qendrës mund të asistojë por aplikimin	Nisma për Ndryshim Shoqëror ARSIS	Pranuar pjesërisht	Reflektuar. U saktësua se procedura e marrjes së lejes së qëndrimit realizohet nga PMF me asistencën e

	për kërkimin e azilit e ka si autoritet kujdestari ose PMF deri në përcaktimin e kujdestarit. Çfarë ndodh në rast se fëmija pavarësisht se ka elementet apo identifikohet si VT/VMT dhe është mbi 14 vjeç, nuk dëshiron të aplikojë për azil apo leje qëndrimi. Kryesisht të miturit e huaj të pashoqëruar e përdorin Shqipërinë si vend tranzit dhe nuk dëshirojnë të qëndrojnë këtu.			stafit të qendrës. Në çdo rast PMF së bashku me stafin e qendrës në bazë të vlerësimit iniciojnë procedurën e azilit/lejes së qëndrimit duke marrë në konsideratë interesin më të lartë të fëmijës dhe me synimin për të marrë shërbimet e nevojshme (shëndetësore, arsimore etj.)
Duhet specifikuar nëse qendrat e emergjencës mund të akomodojnë nena me fëmijë, apo edhe fëmijë të pashoqëruar. Për fëmijët që merren në mbrojtje dhe zhvendosen nga mjedisi familjar, PMF-ja e merr fëmijën dhe e vendos në shërbim emergjence pa familjare.		Nisma për Ndryshim Shoqëror ARSIS	Refuzuar	Raste kur vendoset kjo masë përcaktohen në ligjin 18/2017 “Për të drejtat dhe Mbrojtjen e Fëmijës” neni 56 “ Masa emergjente e mbrojtjes”.
Duhet të përcaktohen afatet kohore që mund të përfshijë shërbimi i		Nisma për Ndryshim Shoqëror ARSIS	Refuzuar	Sqarojmë se, legjislacionin në fuqi (ligji 121/2016 "Për shërbimet e

emergjencës, 72 ore, 30 ditore, etj.				kujdesit shoqëror" neni 18-19-20) përcakton qartë rastet të cilat trajtohen me strehimin të përkohshëm, përfshirë edhe qendrat e emergjencës dhe afatet kohore.
Duhet specifikuar se si fëmija/familja bie në kontakt me shërbimin e emergjencës.	Pra është struktura e PMF/NJMF që e shoqëron fëmijën në shërbim apo vetë policia. Pasi kryhet shoqërimi dhe dorëzimi i fëmijës nga strukturat përgjegjëse, që në raste specifike mund të shoqërohet edhe nga prindi, atëherë stafi i shërbimit vijon me zbatimin e standardeve të shërbimit. Shërbimi i emergjencës ka PSV e miratuara, ku që në dokumentin hyrës përcaktohet struktura referuese dhe kush e ka shoqëruar fëmijën në qendër. Njësoj edhe për futjen në strehëz.	Nisma për Ndryshim Shoqëror ARSIS	Refuzuar	Lidhur me këtë sugjerim, sqarojmë se, bazuar në procesin e identifikimit fillestar, janë përcaktuar personat/strukturat përgjegjëse për identifikimin dhe referimin e rastit, bazuar në nevojat.
Lidhur me rastin kur fëmija është i huaj i pashoqëruar, sugjeron një		Nisma për Ndryshim Shoqëror ARSIS	Pranuar	Reflektuar. U riformulua parashikimi

interpretim më të zgjeruar.				
Sugjeron të specifikohen procedurat e futjes së fëmijës në strehëz, shoqërimi, transporti, kur fëmija shkon nga shërbimi i emergjencës ose shërbim tjetër shoqëror në strehëz; kur fëmija shkon nga familja në strehëz.		Nisma për Ndryshim Shoqëror ARSIS	Refuzuar	Sqarojmë se, këto procedura do të sqarohen me udhëzimin që do të hartohet pas miratimit të këtij dokumenti.
Sa i përket realizimit të intervistës formale, sugjeron marrjen në konsideratë të faktit nëse intervista formale është kryer gjatë kohës që ka qenë në shërbim emergjence ose në familje/ tjetër.		Nisma për Ndryshim Shoqëror ARSIS	Pranuar	Bazuar në parashikimet e këtij dokumenti është përcaktuar edhe procesi i realizimit të intervistës formale.
Duhet parashikuar nëse kujdestari ligjor pra prindërit mund të jenë abuzuesit/ në mungesë të kujdestarit ligjor mund të jetë PMF ose drejtuesit e qendrës ku ndodhet fëmija. Shërbimet e kujdesit		Nisma për Ndryshim Shoqëror ARSIS	Pranuar	Reflektuar. U riformulua parashikimi

shëndetësor mund të ofrohen edhe mbi bazën e marrëveshjes që qendra/ strehëza ka më qendrën shëndetësore më të afërt.				
Sa i përket kthimit vullnetar të asistuar, për fëmijët, të rishikohet parashikimi duke specifikuar detyrat e ASHMDF-së.		Nisma për Ndryshim Shoqëror ARSIS	Refuzuar	Të gjitha raste e kthimeve vullnetare të asistuar, ndërmjetësohen nga Autoriteti Përgjegjës, anëtar i të cilit është edhe përfaqësuesi i ASHMDF-së dhe pjesë e procesit të kthimit vullnetar të asistuar.
Sugjeron që afati kohor i monitorimit të riintegrimin nga Autoriteti Përgjegjës duhet të jetë të paktën 2 vjet.		Nisma për Ndryshim Shoqëror ARSIS	Pranuar	Reflektuar.
Të përcaktohen afatet e rishikimit të planit		Nisma për Ndryshim Shoqëror ARSIS	Refuzuar	Rishikimi i planeve të riintegrimit vlerësohet rast pas rasti nga strukturat përgjegjëse.
Të shtohet si tregues trafikimi “Të jenë të detyruar të ndajnë		Qendra Psikosocial “VATRA”	Pranuar	Reflektuar

të ardhurat me të tjerët”				
Të shtohet si tregues trafikimi “Të shfaqin elementë të vulnerabilitetit në të kaluarën (dhunë në familje, abuzim/ngacmim seksual, braktisje të shkollës, etj).” Të shtohet tek treguesi “Duken të frikësuar dhe të sillen në një mënyrë që nuk përputhet me sjelljen tipike të fëmijëve të moshës së tyre”, fjalia “Mund të refuzojnë ndihmën”.		Qendra Psikosocial “VATRA”	Pranuar	Reflektuar të dy sugjerimet
Të shtohet treguesi trafikimi për fëmijë si vijon “Shoqërohen nga persona palidhje gjaku në frekuentimin e ambienteve të papërshtatshme për moshën: hotele, lokale nate”.		Qendra Psikosocial “VATRA”	Pranuar	Reflektuar
Të shtohet si tregues trafikimi për qëllime të shfrytëzimit seksual “Jenë pjese e portaleve/reklama		Qendra Psikosocial “VATRA”	Pranuar	Reflektuar

ve/rrjeteve online të shfrytëzimit”.				
Lidhur me sugjerimin që tek treguesit e trafikimit me qëllim shfrytëzimin për punë, të shtohet: Mund të mos kenë akses në mjetet e identifikimit. Kërcënohen se do të kthehen në vendin e origjinës nëse nuk pranojnë kushtet e punës. Raportojnë forma të tjera të dhunës: kërcënime, presion psikologjik, dhunë fizike dhe/ose ngacmim seksual. Mos kenë akses te shërbimi mjekësor.		Qendra Psikosocial “VATRA”	Refuzuar	Sqarojmë se, këto tregues janë listuar në treguesit e përgjithshëm.
Të përcaktohet nëse menaxheri i rastit për fëmijët është gjithmonë PMF apo në intervistë mund të jetë i pranishëm edhe menaxheri i rastit i një qendre ku fëmija merr/do të marr shërbime.		Qendra Psikosocial “VATRA”	Pranuar	Reflektuar. Lidhur me këtë sugjerim, sqarojmë se, u shtua përkufizimi i menaxheri të rastit dhe është sqaruar.
Të bëhet një shpjegim më i zgjeruar i masave të mbrojtjes dhe kujdestarisë duke		Qendra Psikosocial “VATRA”	Pranuar	Reflektuar

qënë se qendrat (e emergjencës dhe strehëzat për VT/VMT) nuk marrin statusin e kujdestarit.				
Të specifikohet që procesin e vendosjes së fëmijës në strehëz e ndjek dhe e realizon PMF. Edhe shoqërimin, transportin dhe dorëzimin e fëmijës.		Qendra Psikosocial “VATRA”	Pranuar	Reflektuar
Të saktësohet tek “Vendosja e të rriturit në qendrën e emergjencës”, se informimi për rregullat e qendrës/strehëzës dhe programin e rehabilitimit realizohet përpara akomodimit të rastit në strehëz.		Qendra Psikosocial “VATRA”	Pranuar	Reflektuar
Të specifikohet që për rastet VT/VMT të akomoduara në strehëz, shërbimi mjekësor mund të ofrohet në qendrën më të afërt shëndetësore.		Qendra Psikosocial “VATRA”	Pranuar	Reflektuar
Të ketë përcaktime më konkrete se kush do të ndjekë përgatitjen e		Qendra Psikosocial “VATRA”	Pranuar	Reflektuar

dokumentacionit për regjistrimin në institucionin arsimor.				
Sa i përket Kthimit Vullnetar të Asistuar, sugjerohet që institucionet e shëndetësisë, arsimit dhe shërbimi i mbrojtjes së fëmijës (PMF) të vendosen të ndara.		Qendra Psikosocial “VATRA”	Pranuar	Reflektuar
Të specifikohet se, në rastet e fëmijëve, ASHMDF, PMF dhe qendra nisin procedurën për vlerësimin e familjes dhe riskut.		Qendra Psikosocial “VATRA”	Pranuar	Lidhur me këtë sugjerim, sqarojmë se, të gjitha raste e kthimeve vullnetare të asistuar, ndërmjetësohen nga Autoriteti Përgjegjës, anëtar i të cilit është edhe përfaqësuesi i ASHMDF-së dhe pjesë e procesit të kthimit vullnetar të asistuar.
Tek përkufizimet “Kallëzimi” i viktimës nëse ka elementë penal duhet të ndiqet kryesisht nga policia.		Organizata “Të ndryshëm dhe të barabartë”	Refuzuar	Sqarojmë se, përkufizimi është marrë nga legjislacioni penal.

Termi bordel, të zëvendësohet me fjalën “vend”		Organizata “Të ndryshëm dhe të barabartë”	Pranuar	Reflektuar
Të bëhet edhe një parashikim për ankimin e personave që i përkasin një komunitetit të caktuar Rom, Egjiptian, janë me aftësi të kufizuar, nuk dinë të shkruajnë apo shtetasit e huaj.		Organizata “Të ndryshëm dhe të barabartë”	Refuzuar	Sqarojmë se në çdo rast është parashikuar e drejta për ankim nga përfaqësuesi/kujdestari ligjor.
Të përcaktohet që raportimi mbi ecurinë e planit të riintegritit të bëhet 1 herë në muaj për çdo rast.		Organizata “Të ndryshëm dhe të barabartë”	Pranuar pjesërisht	Reflektuar pjesërisht. Sqarojmë se, u reflektua duke përcaktuar se raportimi do të bëhet 1 herë në 3 muaj për të evidentuar më saktë ecurinë.
Ndihma juridike i ofrohet personave të mëposhtëm, pavarësisht të ardhurave dhe pasurisë së tyre: b) viktimave të abuzuar seksualisht dhe viktimave të trafikimit të qenieve njerëzore, në çdo fazë të procedimit penal.	A kanë ofruesit e ndihmës juridike parësore(Qendra e Ndihmës Juridike Parësore/OJF (përveç D&E dhe VATRA)) ekspertizë për garantimin e të drejtave procedurale të viktimës së trafikimit?	Organizata “Të ndryshëm dhe të barabartë”	Vetëm sqarim	Lidhur me këtë koment sqarojmë se, për të garantuar cilësinë e këtij shërbimi dhe për të përmbushur detyrimin ligjor, nga ana e Drejtorisë së Ndihmës Juridike Falas janë ndërmarrë masa konkrete duke përfshirë trajnime të

				vazhdueshme për stafin e qendrave dhe organizatave jofitimprurëse, me fokus në mënyrën e identifikimit, pritjes dhe trajtimit të kategorive të veçanta, ku përfshihen edhe viktimat e trafikimit. Gjithashtu, në bashkëpunim me OSBE-në, të gjithë punonjësve u është vënë në dispozicion një manual praktik mbi komunikimin dhe ndërveprimin me kategoritë e veçanta. Në rastet kur lind nevoja për ofrimin e shërbimeve më të specializuara, rastet referohen pranë VATRA-s dhe "Të ndryshëm dhe të barabartë", që disponojnë kapacitete të integruara për
--	--	--	--	---

				mbështetjen e kësaj kategorie.
Mungon formati i njoftimit të Autoritetit Përgjegjës për çdo rast të identifikuar dhe referuar në programet e organizatave.		Organizata “Të ndryshëm dhe të barabartë”	Refuzuar	Autoriteti Përgjegjës njoftohen nga personat/strukturat përgjegjëse, nëpërmjet formateve për identifikimin fillestar dhe formal.